

BOSNA I HERCEGOVINA
FEDERACIJA BOSNE I HERCEGOVINE
ZENIČKO - DOBOJSKI KANTON
KANTONALNO TUŽILAŠTVO
ZENIČKO - DOBOJSKOG KANTONA

Broj: T04 0 KT 0053969 24
Zenica, 10.01.2025. godine

OPĆINSKI SUD U ZENICI
-Sudiji za prethodno saslušanje-
Z E N I C A

Na osnovu člana 45. stav 2. tačka i) u vezi sa članom 241. stav 1., člana 242. stav 1. Zakona o krivičnom postupku Federacije Bosne i Hercegovine (ZKP F BiH), p o d i
ž e m,

O P T U Ž N I C U

Protiv:

R. M., neosuđivan,

što je:

dana 09.07.2023. godine, u vremenskom periodu od 12,40 sati do 12,55 sati, na području grada Z., u mjestu N., u ugostiteljskom objektu [REDACTED] vlasništvo M. D. koji se nalazi na adresi ..., nasiljem i grubim zlostavljanjem E. I. ugrozio građanski mir i oštetio tuđu stvar, na način da je,

dok se nalazio u unutrašnjosti objekta [REDACTED] gdje je za barskim stolom konzumirao alkoholna pića, te sa koncentracijom alkohola u krvi 2,65 promila, u jednom trenutku isti prevrnuo na pod zajedno sa staklenim flašama i čašama koje su se nalazile na njemu, a potom bacio na pod jednu metalnu barsku stolicu, pa kada je u objekat ušao E. I. te mu prišao u namjeri da ga obuzda i smiri, iako svjestan da nasiljem i grubim zlostavljanjem prema njemu može ugroziti građanski mir, što je i htio, uhvatio je E. desnom rukom za vrat i tako ga držao nekoliko trenutaka, dok ga nije pustio te je E. izašao iz objekta, da bi potom, R., nastavio bacati metalne barske stolice prema otvorenim ulaznim vratima i po unutrašnjosti objekta, svjestan da na takav način može oštetiti tuđe stvari, a što je i htio, kojom prilikom je razbio staklo na ulaznim vratima u objekat, zatim lijevo bočno staklo objekta, te oštetio mermernu ploču na šanku koju je uspio fizički odvojiti, kao i jedan dio fasade ispod prozora te jednu metalnu stolicu kojom je razbijao staklo, da bi ga A. K., [REDACTED], po dolasku sproveo iz istog, na koji opisani način je ugrozio građanski mir i

prouzrokovao štetu na UO [REDACTED] vlasništvo M. D. u iznosu od oko 2.000,00 KM,

dakle, nasiljem i grubim zlostavljanjem drugog, ugrozio građanski mir i oštetio tuđu stvar,

čime je počinio krivično djelo „Nasilničko ponašanje“ iz člana 362. stav 1. Krivičnog zakona Federacije Bosne i Hercegovine u sticaju sa krivičnim djelom „Oštećenje tuđe stvari“ iz člana 293. stav 1. Krivičnog zakona Federacije Bosne i Hercegovine, a sve u vezi sa članom 54. Krivičnog zakona Federacije Bosne i Hercegovine.